

周英華

重本巨作會畫友

高級餐廳 Mr.Chow 創辦人 Michael 周英華，闊別藝術五十年後再一次重執畫筆，仲喺香港舉辦首個亞洲個人畫展。今次展出嘅九幅作品，破格地運用成本非常貴嘅黃金同銀混合廢物來製作，幽默嘅佢仲開玩笑話，唔介意收藏嘅人將來唔夠錢用嗰陣，搵咗啲銀片去賣啲！

Michael 一九三九年生於上海，出生於藝術世家，爸爸係著名京劇大師周信芳。佢十三歲開始喺倫敦留學，由於父親之後下落不明，五十年來一直冇再回國，亦只見過母親一次。喺文化衝擊同獨特嘅經歷下，令 Michael 對藝術有更特別嘅體會。

今次展覽《畫家的秘訣》喺中環藝術門畫廊舉辦，畫廊創辦人林明珠早喺十四個月前就決定為 Michael 搞今次展覽。雖然今次展出嘅作品製作成本非常高，部分畫作運用咗接近一百五十塊純銀片同黃金製成，但林明珠話藝術作品嘅價值唔應該用材料價錢嚟衡量，今次 Michael 將最矜貴嘅金屬材料混合廢物創作，就係要表達對傳統「價值」嘅挑戰。



● 周英華五十年後重拾畫筆，並喺香港舉辦個人作品展。